

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

集部
第四九冊



責任編輯：孫言誠 賀 偉

ISBN 7-5333-0615-5



EB38/10

四庫全書存目叢書·集部四九

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 40.5 印張

1997 年 7 月第 1 版 1997 年 7 月第 1 次印刷

印數 1-100

ISBN 7-5333 0615 5

Z·60 集部定價：127800 圓

集部第四九冊目次

集部·別集類

華泉先生集選四卷附錄一卷

〔明〕邊貢撰
北京大學圖書館藏清康熙壬子禪京邸刻本

..... 一

陽明先生要書八卷附錄五卷

〔明〕王守仁撰 陳龍正輯
故宮博物院圖書館藏明崇禎八年陳龍正刻本

..... 三〇

王陽明先生文鈔二十卷(一)

〔明〕王守仁撰 〔清〕張問遠輯
中國人民大學圖書館藏清康熙二十八年致和堂刻本

..... 四二五

華泉先生集選四卷附錄一

卷

〔明〕邊貢撰

北京大學圖書館藏清康熙王士禛京

邸刻本

附《四庫全書總目·華泉集選

四卷》提要

華泉先生集舊序

余讀華泉先生集蓋有世道之感焉昔者孔子
先進於禮樂野人也後進於禮樂君子也如用之
則吾從先進文勝之敝人至以先進爲野人此其
已溺而不可返孔子豈不知之而猶力爲之辨曰
吾從先進云云聖人固以爲文質彬彬吾志誠在
斯焉已且安知斯人之果不吾從也我明當孝廟
之世皇運熙宏人文朴茂學古之士並軫而翔關
西則李獻吉汝南則何仲默吳中則徐昌穀歷下
則邊庭實庭實先生字也獻吉之詞雄仲默之詞
逸昌穀之詞蒼先生之詞溫然粹然即人自爲家
究之緣情示志體物敘倫動軌自然不殊也雖其
人已往間嘗諷其詞猶足以想見其人與夫當時
政治風俗之盛今之學士大夫文非左國遷固雄
向則亡稱詩非丕植明遠靈運甫白則亡稱然其
氣飄忽迅激驟而暗之色驚稍扣之汨汨乎無餘
味焉何者數先生一於鑱古人之精而世學士大
夫猶未免擬古人之華也鑱精者盛世之文擬華
者季世之文今之文吾何敢以季世待之然其視
盛世何如哉故曰余讀華泉先生集而有世道之

感焉先生集舊有本歲久而蝕又遺所爲文不載
余理濟之明年從先生仲子搜得數十篇因叙入
集中爲重鋟之匪徒不朽於先生之詞且俾論世
者有所考見庶幾慨然而興先進之思云大名魏
允孚序

華泉先生詩選序

明詩莫盛於弘正弘正之詩莫盛於四傑四傑者
北地空同李氏汝南大復何氏吳郡昌國徐氏其
一則吾郡華泉邊公云當是時作者競起宮商相
應四傑之外又稱七子而顧華玉朱升之王稚欽
之徒咸負盛名弗得與於四傑七子之列

故千秋論定以李何爲首庸邊徐二家次之浚川
對山漢陂洎東橋凌谿已還則皆羽翼也昔鍾記
室品詩謂陳思爲建安之傑公幹仲宣爲輔平原
爲太康之英安仁景陽爲輔謝客爲元嘉之雄延

年爲輔而高棅論唐詩亦有大家羽翼之目由是
言之四傑之在弘正其建安之陳思元嘉之康樂
與迄今歷年二百李何二集學士家有其書邊集
爲郡人劉吏部希尹所編一刻於胡中丞可泉再
刻於魏司理永孚桑海之後皆淪烟莽不佞自東
髮受書頗留意鄉國文獻以爲吾濟南詩派大昌
於華泉滄溟二氏而篳路藍縷之功又以邊氏爲
首庸暇日因參伍二刻難其繁蕪掇其精要與徐
氏迪功集併刻於京邸俾鄉之言文獻者足徵焉
公仲子習字仲學食貧授徒以詩世其家所傳野

風欲落帽林雨忽沾衣薄暑不成雨夕陽開晚晴
其佳句也有遺稿一卷將錄其可存者附斯集後
以備一家之言

資政大夫

經筵講官刑部尚書前都察院掌院事左都御史
同郡後學王士禎撰

華泉集詩選序

附錄

邊庭實如洛陽名園處處綺卉不必盡稱姚魏又
如五陵裘馬千金少年

高季迪之流暢邊庭實之開麗鄭繼之之雄健王
子衡之宏大顧華玉之和適李賓之之通爽馬仲
房之華整皆其次也

吾最愛邊庭實自聞秋雨聲不種芭蕉樹又題文
山祠花外子規燕市月柳邊精衛浙江潮甚精麗
邊庭實以按察移疾歸每醉則使兩伎肩臂扶路
唱樂觀者如堵了不爲怪

已上王世貞
藝苑卮言

華泉集附錄

表氏獻實曰李何徐邊世稱四傑李雄健何秀逸
徐精融邊朴質故並負盛名輝映當代四公殆藝
苑之菁英也邊集中如綠水閭門道青山建業城
地入河源渺天連塞日曠魯連箭滅遺書在微子
城荒故堞留千盤鳥道緣雲上五色龍江抱日流
應是豪華語

顧起綸
國雅堂

華泉之作雖不逮李何然平澹和粹孝廟以前海
岳之才無其倫比

魯中堂
岳靈秀集

本朝如楊東里李西涯二公皆以文章經國然只
是相沿元人之習不以治聞李獻吉出遂極力振

起之何仲默邊廷實徐昌穀諸人相與附和而古風幾通域中矣○世入獨推何李爲當代第一余以爲空同關中人氣稍過勁未免失之怒張大復之俊節亮語出於天性亦自難到但工於言句而乏意外之趣獨邊華泉與象飄逸而語尤清圓故當共推此人○文章在弘正間可謂極盛李空同何大復邊華泉徐昌穀康對山倡復古道而南京王南原顧東橋廣陵朱竣谿則其流亞也然諸人猶以吳音少之何良俊

獻吉送昌穀詩是時少年誰最文太常邊丞何舍

華泉集附錄

二

入仲默贈君采亦有十年流落失邊李之句則李何於邊正自不淺胡應麟詩數

弘正之時北地反正何徐持角庭實上輔繼之下

毗近自開元遠邇黃初極意剗除復歸正始詩話

北地矯之信陽嗣起昌穀上翼庭實下毗敦古昉

自建安校華止于二謝長篇取裁李杜近體定就

開元一掃叔季之風遂窺正始之與天地再開日

月清朗詎不燦哉同

金玉庭筠黃華山絕句云掛鏡臺西掛玉龍半山

飛雪舞天風寒雲直上三千尺人道高歡避暑宮

邊華泉謂詩及行草俱入化矣謝道一詩話

庭實弱冠舉進士雅負才名美風姿諸吏事好交

遊天下豪俊久官留都優閑無事遊覽六代江山

揮毫浮白夜以繼日江鉞爲掌憲忌其名論去之

癖於求書搜訪金石古文甚富一夕燬於火仰天

大哭曰嗟乎甚于喪我也病遂篤卒年五十七與

北地李夢陽信陽何景明武功康海鄒杜王九思

儀封王廷相吳郡徐禎卿稱弘治七子錄錄並列

華泉詩時見精詣五言尤稱長城○尚書才情甚

富龍於沉穩處見其流麗聲價在昌穀之下君采

華泉集附錄

三

之上○庭實五言華貴時出俊語令人百思李何

勁對也陳子龍明詩近

華泉先生集選卷一

戶部尚書濟南邊貢著

刑部尚書後學王士禎選

五言古體

次何遜落日泛江贈魚司馬之作送劉美之
相投已盡簪相贈還留帶昨暮長安西今朝苑城
外誰言車馬地復得須臾會會君心暫悅去君心
轉切秋岐蔓寒草隱隱烟不絕歸鴈影聯翩墜葉
聲騷屑端居尚興感况乃萬里別桂舸沂江湖何
時到蠻泖蠻水夜悠悠月明登郡樓幽蘭翠繁渚

華泉集卷一

紫蘄香滿洲應歌楚人調坐惜勛名浮

賦得將有事於西疇送王中丞致仕

發春驚蟄始土脉動源泉時雨宵旣零浮陽藹平
阡風興飾耒耜驅牛登廣原竭茲畎畝力感彼農
父言穡事依東作天時易流愆南鄰有逸夫日晏
高枕眠四體苟不勤何以窮歲年

送王盛

朝辭雙闕下暮抵三河宿古戍早鴻稀荒城寒草
綠上官山吏拜行縣村童逐冉冉松間亭何人伴
幽獨

秋郊別意爲汝南孟翁作二首

驅車循廣術言返故鄉縣晨光一何綺熹微散秋
甸宛宛墟曲中盈盈露華滋因之感遊寓物候倏
已變豈薄骨肉情遙重桑梓戀

桑梓在何許藹藹汝南村綠叢帶長薄清川映柴
門言別上春時當秋始來還禾黍一已獲膾膾見
高原落日樵牧歸涼風散雞豚登堂見鄰叟呼兒
具盤殮依依丘中情款款醉後言即爾足爲樂安
用乘華軒

奉送大司馬華容劉公致仕二首

華泉集卷一

藹藹東山雲覆彼山下堂乘時播皇澤從龍彌八
荒八荒遠且邈下上以翔翔龍逝鼎湖陰雲歸故
山陽何以慰蒸庶私衷鬱彷徨
草堂何所有有蘭復有芝采采山之側飛仙相與
期寄傲雲霞間可望不可追抗手謝城市去去從
此辭徒遺高世風永繫來哲思

分韻再送文熙

夜久河漢橫春堂別燈黯風淒淒鳥初動露重花猶
欽明發不在茲重開爲誰掩

吳將軍巡關圖

胡馬歲南牧漢軍勞北防軍情異主將冷暖須共
嘗朝出潮河川暮過古北口邊烽傳羽箭朔氣嚴
刁斗月下黑山晴分明見列營霜欺征袖薄石報
獵蹄鳴三軍晏然睡我亦倚吾枕天子不可驚長
懷亞夫寢

題畫

空江夕煙歛日色沙上明輕漣漾蘭楫嫋嫋秋風
生白雲滿曾阿林光帶高城姬文去已遠詎辨垂
綸情

答顧華玉見懷之作

華集卷一

離腸如車輪萬轉不計程尺尺阻言讌何殊在山
城閑曹事稽纂文墨紛相縈不見馬上人空聞馬
蹄聲攬衣步幽閨脉脉牽遙情屋上春鳩啼樹杪
浮雲行坐惜韶景暮江草芳杜生

戲簡王臨安同年

候子虎溪渡送子龍陂橋出城不相見征蓋修已
遙百金買江魚千金買春酒期子會宜城飄忽過
潼口追子漢江曲望子峴山頭子有室家好豈知
途路愁暮投城外寺急雨響高屋安得與子同
歌對明燭子程勿平發吾駕亦早留風塵莽南北

一別動經秋

入錐石口

西登錐石口鳥道不盈尺連山樹如繡雲中日將
夕不聞樵采音但見虎行跡

七言古體

送秦用中文學

玉真臺下三間屋屋後有松前有竹廣文先生雙
鬢禿長對青藜夜深讀有時不巾亦不服獨跨瘦
驢携短僕五老峰前看秋瀑有時芒鞋步江澳月
落詩成江鬼哭石底流泉手親掬歸來煮茗窓下

華集卷一

宿清夢蘧蘧謝梁肉鳥聲墮枕猿掛木紅日三竿
睡初熟食罷曉盤歌首宿爲剪溪雲封尺牘長安
故人勞遠目

賦得孺子宅送程南昌

豫章城南高士眠豫章太守祠常懸漢廷使者召
不起土室蓬門江水邊江水悠悠朝市改故國荒
涼宅安在墟里遙看變夕烟墓田誰爲羞春莊使
君五馬雙車輪露冕乘春意氣新下車先問南州
客恐有當時下榻人

贈尚子

意氣憑凌一當百關西儒生五陵客少年學書復
學劍老大蹉跎雙鬢白門下諸生半賜麻闥中小
婦猶炊麥布衣東來謁天子春日醉臥長安陌陌
頭花絮紛紛環閣如天隔紫雲浩歌翻然却歸
去眼底誰是平原君

李將軍

李將軍七尺身丈八矛生來骨相當封侯錦袍白
馬如流電一歲長安一相見不埒胡塵向朔庭空
隨漢月歸鄉縣李將軍雄且英山東塞北咸知名
嗣忠堂前世澤遠且讀父書調母羹君不見長楊

華泉集 卷一

五

羽騎如雲集天子勤邊方好兵

周司徒行

周司徒真丈夫直氣稜稜霄漢俱致君不作堯舜
主拂衣歸臥山中廬山中臥今幾載鶴貌童童履
聲在十書五疏招不回九重虛席空相待北來頡
利西羗胡爭問司徒今有無乃知繫國輕重者不
獨廟堂公與孤周司徒真丈夫

賦得萬里橋送客

萬里橋邊樹如薺蜀使入吳真萬里臨歧記取不
相語萬里之行此其始英雄一往入代易錦水湯

湯鎮如昔遺神空思雲鳥北修梁已荒車馬跡句
宣使者家在吳入蜀今爲蜀大夫登橋攬轡一回
首慷慨能輕萬里途

題金谷園圖賦得綠珠怨

誰言妾命薄結髮承主恩誰謂妾身輕寵冠金谷
園園中桃李千萬樹對妾妍華遊無處徘徊歌舞
曲未終門外戰鼓聲逢逢當時只倚紅顏貴豈料
紅顏爲主累主家高樓天與齊妾身不惜委黃泥
他生願作銜泥燕長傍樓中梁棟棲

君馬黃贈祝仁甫赴長蘆

華泉集 卷一

六

君馬黃我馬蒼兩馬相逐君馬良君馬來自西關
道我馬空山食秋草憶昔兩馬初學行長安見者
神色驚魯垺驪黃未足論衛丘駉牝虛馳名豈料
長成人少顧十年不踏天閑路逸羣翻惹太僕嫌
騰檻正中奚官怒以茲流落在風塵南走荆梁西
入秦自傷萬里汗流血誰道五花雲滿身棄置不
須憐我馬君馬亦在鹽車下疾足由來控者難騎
嘶自合知音寡吁嗟君馬天下無且向沙場閑秣
芻比來司牧令伯樂肯使君王空按圖

賦得江上草贈燕泉何子南歸

江上草何青青使君歸來朝戴星問君君不言貌
君君不停十丈風帆疾如矢蒼梧雲深竹花紫雲
中之君呼不來空餘淚滿瀟湘水

送錢伯川歸錫山

曉上黃金臺夕登潭柘山白雲何油油下覆鴈門
關愛君此行爲君羨白頭阿母今相見我身欲飛
無兩翼杳杳風塵隔幾旬君家堂前二古松枝柯
偃蹇如虬龍南窓恰對梅花塢西牖全當天井峯
伯川之水舊姓吳川上山形列畫圖昔稱讓國今
稱孝乃有地曹錢大夫大夫今爲返哺烏登堂壽
親親不孤棄官就養人所無誰言大夫已矣乎古
來廊廟須江湖

送馬敬湖赴湖南提學

征馬帶落日出門君已遙層城不隔夢夜渡蘆溝
橋蘆溝橋邊車簇簇故人却在城南宿誰令相見
轉多情翻恨遲行不如速江漢風烟遲早春關山
雨雪暗邊塵臨歧莫動殊方感子亦東西南北人

送楊遠菴督馬關西

復星掃天西虜來飛勒甲關關夜開當關空列戟
虎士伏櫪不見麒麟材朝戰關頭暮關下瘡痍大

半徒行者箭書入報宵旰憂捐軀翻思大宛馬中
丞主馬朝命新威震動地驚故人長城迢迢亘西
北萬里可當公一身秦苑草青水清泚魯垞衛丘
那足比我公息馬兼息民民保田廬馬生子天煥
在野寒在槽馬子日肥民不勞三軍校閱錦雲亂
萬蹄蹴踏沙塲高將軍騎出天驕遁玉門烽靜公
歸觀我願公歸登上台他日用賢如用駿

題採蓮圖次沈石田韻

秋塘露下菰蒲冷野鶩沙鳧夜相並東山月出一
丈高岸柳垂垂見疎影雞鳴浦口漁伴稀自採紅

蓮溪上歸

補遺

遊石門洞

蒼然郭東山百丈縈青碧石門忽中斷窈窕開仙
宅遙窺日月深却轉烟霧隔中天屹樓居星斗掛
几席芳巖眩綺繡叢巖圍蒼壁山鬼不避人驚猿
嘯窺客披榛上孤亭奇觀壯心魄穹崖倚天懸瀑
水半空射高流橫雜珮直下垂正帛重來意彌一
獨往任所適信美愜心期胡爲老行役終然脫塵
網高舉凌風翮

贈張氏汝吉汝誠兄弟

魯川何迢迢太行亦蒼蒼行人躍馬出門去何異
飛鶴東西翔愛君此行飲君酒君家弟兄古無有
夕郎清迥鵬鶚姿秋曹盤礴雷霆手朝論同歸攬
轡年家聲況是埋輪後青春永緇下中臺山東山
西花欲開休嗟羽翼經年別早喜陽和及草萊

華泉先生集選卷一

華泉集

九

華泉先生集選卷二

戶部尚書濟南邊貢著

刑部尚書後學王士禛選

五言近體

次韻春雪

惟爾陽春日淒淒畫雪寒情知飛絮假還當落梅
看向日偏繁戶隨風故繞闌同雲幕千里吟坐憶
長安

分賦春雨得時字

爲賦西堂雨黃昏坐不辭礎痕移榻處池漲捲簾

華泉集 卷二

十

時瑞紀農官頌題分水部詩客車何日返眞長故
山芝

九日

白日寒城暮清秋畫角哀地偏妨採菊鄉遠怕登
臺鴻鴈天邊去風雲塞上來故交零落盡卮酒向
誰開

九日登吹臺次毛侍御韻

對酒重陽雨登樓萬里心異花開晚節羣木秀寒
林鼓角連天暮風雲接塞陰王師捷何日傾耳北
來音

清源中秋雨霽

隔歲鄉關月中秋想一看真愁白髮顯翻隱碧雲
端桂影流烟濕金波映浦寒雞鳴與不淺吟酌細
凭闌

人日飲教水部即事

結榜依江岸傳觴感歲華偶同人日酒翻帶使星
槎水凍仍餘雪林寒且未花醉歸燒短燭高枕聽
昏鴉

寶應元夕飲朱升之舍

望望安平驛春行路不遙故人還此地芳序且元

華果集 卷二

二

宵水近潮通閣燈寒月過橋計程拚取醉佳賞更
頻招

供事長陵

俎豆薦春芳東陵畫漏長偃松盤古榭靈草秀虛
梁日月皇興遠江河聖曆昌因山昭儉德千載頌

文皇

望陵二首

徙倚東峰下西陵望鬱然玄宮深闕日玉座迴浮
烟風雨清明候乾坤正德年攀龍無處所空有淚
潺湲

憶在先朝日曾沾侍從恩鸞輿歸寂寞鳳質儼生

存夕日昏阡樹春風長澗繁祠官如可乞長奉泰

陵園

過壽陵故址

景帝臨駁時
自建寧毀之

玉體今何所遺墟夕靄凝寶衣銷野燐碧瓦蔓溝
藤成展崩年諡恭仁葬後稱千秋同一毀不獨漢
唐陵

西陵訪王給事不遇

時督江
泰陵

狂夫多野性春到每思家却訪山中客還逢水際
花薄雲陰古殿鳴鳥聚連沙逸遞回谿晚西陵月

華果集 卷二

三

正斜

泰陵供事述感三首

陵墓三年道重來七月期山川不改色霜露只增
悲世想欽明德人傳顧命辭九齡如帝與端可致
雍熙

恭已班虞舜求賢越武丁心猶在邊徼夢已隔泉

扃永作千秋別虛傳七日醒夕廬齋沐所彷彿見

遺形

皇寢居庸近山深地轉饒雄關三鎮鎖幽府百靈
朝聖候烽全息也兵甲半銷帝心遙可識終古絕

天驕

郊壇夜步

晚步臨高樹春空月正明星辰臨漢時樓觀俯神
京靜夜松飈響豐年穀日晴同心隔城市相望轉
盈盈

候駕次前韻

遙聞葆吹聲仙仗下通明地轉蒼龍道天臨白玉
京瑞光同遠近雲物半陰晴隱隱行宮啓重關虎
豹盈

承聞詔迎聖母太妃還宮二首

華泉集 卷二

四

兆啓封邦日圖開繼統春漢南王化遠天下母儀
新侍寢隨宮眷留行聚國人嗣皇敦孝理瞻望黼
衣頻

濟水朝京甸燕關鎮海流九重迎聖母千里會諸
侯日月開黃道河山列素秋禮文同扈蹕元不爲
宸遊

土城

默病長夏晚出門秋草生聊因上陵日一寄看山
情野水侵平道寒雲覆古城聖君方用武羣盜敢
縱橫

五月七日陪李劉二侍御遊宴尹亭

不到北湖久重來蓮葉青水香還落照山色自孤
亭竹隱尚書榻窓懸柱史星回舟忽已晚波上月
冥冥

沙河

放馬野田草路迴登古原雞鳴桑下屋牛臥雨中
村薄日浮山影長橋下水痕煌煌中使出束帛向
陵園

村舍

村舍孤烟起山中朝雨寒丁夫荷鋤去稚子出門

華泉集 卷二

五

看早稼登場圃秋瓜蔓井闌居然羨閑逸趨府欲
辭官

御帳坪

白日天門近青山御帳空亭虛從眺覽樹古自登
封過鳥層雲上鳴泉萬壑中翠華春不返惆悵昔
人蹤

重陽後三日登雨花臺

一片金陵月荒臺對酒看水雲霏冉冉江日隱團
團鴈早那堪聽花遲未可食凭軒望鄉國西北近
長安

登龍洞山

海嶠烟霞滿二六俱備積陰綠苔穿嶺滑黃葉綴巖
深宛宛鹿麋徑冷冷泉澗音高人或住此精舍香
難尋

贈周文都

君乘別駕車南征千里餘予爲燕市客歲杪意何
如日隱川原暮江涵雲水虛新春見迴鴈知有秣
陵書

贈何子元二首

飲馬長城窟秋風隴水鳴旌旗連朝氣笳吹咽邊

華泉集 卷二

六

聲鹿塞胡霜白龍沙漢月明共嗟班定遠身是一
書生

萬里窮邊使三秋出井陘金鞍裝寶絡班管代青
萍吏識終軍貌入瞻博望星歸來市駿馬持節報
朝廷

行子

行子到京舍故人消息傳釣魚吹臺下築室黃河
邊插架餘千帙傾囊有一錢古來賢達者往往在
林泉

山中懷白巖

昔奉山陵使曾同虞殯吟鰲翻滄海變龍去鼎湖
深紫極瞻雲地清宵望月心蒼蒼松柏裏懷往益
沾襟

懷昌穀大理二首

孺子南州彥詞華早擅場共憐廷尉府祗益簿書
忙寶鏡愁鸚鵡鹽車困騶駟何時一艇去與爾泛
滄浪

齋房隱陸隴野外少人過向月復誰語看山空自
歌城孤戍火亂地迤北屢多惆悵鄰居夕相思奈
爾何

華泉集 卷二

七

尹亭夜集

憶共尚書飲蘭舟漾渚風芙蓉開月下簫管入雲
中鶴唳煙沙遠螢流水閣通重來值搖落無復往
時同

春日臥病寄劉希尹王孟宣

我濟富山水人稱名士鄉兩生俱俊傑吾道豈荒
涼紫禁煙花地青雲翰墨場應須得高步書札報
滄浪

東何內史粹夫

憶爾曾金馬子官亦瑣關鷺一以振落羽遂分

飛東郡身仍屈西河信每稀
他經與抗疏心事兩相違

次王欽佩韻贈方山子鄭作

好酒耻儒素談兵輕虜塵
深憐宋中客宛似晉時人到處不諧俗
一生長任真因君感交態多少白頭新

寄陳石峰中丞

一別梁園雨五看秋草疎
君爲烏府客我向白門居髮短風塵裏
心長老病餘江流日東下何處覓雙魚

華泉集 卷二

八

出郭將訪希準郡伯懼暮而返却寄

駕言江口出却至水西還
遠道空回首重門欲上關斷雲低白鴈
斜日近青山欲採瑤華贈仙舟不可攀

和荅胡可泉郡伯

籍籍胡安慶新聲滿舊都
詎知金馬客翻領玉麟符退食還經史
登樓卽畫圖昔賢樂地元只在江湖

寫懷

欲逃中夏暑暫止上江船
夜臥對松月曉行披水

烟佳期渺天末良觀阻
尊前相問各華髮遙悲青鏡年

贈王總戎西征

開府馳聲舊轅門授鉞頻日華
承蓋轉江色映袍新去作鄖山雨
來經蜀道春軍中人盡說籌策妙如神

寄胡文甫

不見胡文甫七回明月圓
家林且如此宦海益堪憐碧柳秦臺馬
紅蕖濟水船往來餘百里同醉是何年

華泉集 卷二

九

過汴呈獻吉

兩年京郭居空望故人書
五月梁園道來乘長史車川流赴海急
隰日漾沙虛欲訪漁樵徑蓬蒿不可除

夜泊漢陽却望武昌有懷矩菴

對岸武昌郭清宵回望頻
離心繫舟遠旅夢涉江新積水明疑畫
浮烟藹似春樓空黃鶴杳延佇獨勞神

送都玄敬二首

才高憐晚達十載尚爲郎
書買黃金盡愁生白髮